

Кыттааччылар:
Тымны оҕонньор
Клоунесса
Хаарчаана
Ороспуонньук
Индияттан 1 ыалдыт
Африкаттан 2 ыалдыт
Бразилияттан 2 ыалдыт
Испанияттан 2 ыалдыт

Саңа дыл муусуката тыаһыыр

Клоунесса:

Кэрэчээн харыйа киэргэнэ симэммит
Кэрэтиэн кэрэ кэм Сана Дыл кэлэрэ
Үчүгэй үчүгэй үөрүү- көр буолара
Үчүгэй үчүгэй Саңа Дыл кэлэрэ
Кэтээр ыалдыппыт Тымнычаан Оҕонньор
Кэлиэкэ сотору, кэһиитин аҕалыа!

-Үтүө күнүнэн, манна мустубут оҕолор, төрөппүттэр, ыалдыттар! Барыгытын кэлэн иһэр 2023 сылынан барыгытын итиитик-истиңник эҕэрдэлиибит! Саңа үүнэр сылга үөрэххитигэр элбэх ситиһиилэри, кытаанах доруобуйаны, дьоллоох түгэннэри баҕарабыт. Билигин саамай кылгас күннээх уонна уһун түүннээх кыыдааннаах кырыа кыһын кэмэ. Ол эрэри биһиги бу дыл кэмим олус сөбүлүүбүт. Тоҕо? Бу бириэмэҕэ биһиэхэ Саңа дылбыт салаллан кэлэр, уонна кинини кытта үөрүү-көтүү, саңа уларыһыы, дьоллоох түгэннэр тосхойоллор. Хаарчаана бырааһынньыкпытын саҕалыыбыт дуо?

Хаарчаана: Тохтоо, суох кыратык кэтэһиэххэ мин дьүөгэлэrim кэлиэхтээхтэр. Тоҕо эрэ наһаа хойутаатылар дии.

Клоунесса: Ээ, кимнээх кэлиэхтээхтэрий?

Хаарчаана: Араас итии дойдуттан дьүөгэлэrim Саха сиригэр Саңа дылын көрөөрү миэхэ ыалдытты кэлиэх буолбуттара. Мааҕын сарсыарда самолетунан бары биригэр кэлбиттэрэ, Индрайвер таксины булан ыппытым айаннаан иһэр буолуохтаахтар. Сибээс хабар сиригэр сылдыаллар ини эрийэн көрүөм эрэ.

Хаарчаана: Алло, хайа кыргыттар ханна кэллигитий?

Дьүөгэ: Алло, алло, Хаарчаана, манна наһаа кутталлаах буолла, көмөлөһүн-быһааң!

Хаарчаана: Оо, ол аата атын суолунан баран хааллахпыт дии. Эппитим ди уңа суолу тутуһаарың диэн. Хаңас суолунан бардаххытына хара санаалаах ороспуонньук олорор.

Дьүөгэ: Ороспуонньук биһигини хараңа хоско хаайан кэбистэ. Уай, тохтоо эрэ кэллэ быһылаах. (Ороспуонньук телефонун былдыһыр уонна этэр)

Ороспуонньук: Хайа бу кимниин кэпсэтэҕиний!

Дьүөгэ: Хаарчааналыын.

Ороспуонньук: Телефонун аҕал эрэ миэхэ, мин кэпсэтиэм. Алло, мин Ороспуонньукпун. Миигин эһиги бырааһынньыкка ыңырбатаххыт, ол иһин мин дэлби кыһырдым. Дьүөгэлэргин хараңа хоско хаайдым. Ыппаппын.

Хаарчаана: Оо дьэ, хайдах гынабыт? Табаарыс Ороспуонньук баһаалыста дьүөгэлэрбин босхолоо, оччогуна эйигин бырааһынньыкпытыгар ыңырыахпыт. Батта оҕолор?

Оҕолор: ыңырыахпыт, ыңырыахпыт. (Ороспуонньук кириэн кэлэр)

Ороспуонньук: Дорооболоруң оҕолор! Хаарчаана кырдык этэҕин да? Чэ оччогуна мин соруудахтарбын толордоххутуна, барытын сөпкө таайдаххытына дьүөгэлэргин биирдии-биирдии ыталыам.

Бастакы соруудах: Таабырыммын таайың:

-Күүтэллэр-күүтэллэр да, кэллэхпинэ саһан хаалаллар. (Ардах)

-Кыната суох көтөр, суола суох устар баар үһү (Былыт)

- Көңүлүнэн устар көмүс кытыйа баар үһү (Күн)
- Туохтан да туттааҕа суох ыйанан турар баар үһү (Ый)
- Чэ маладьыастар, барытын таайдыгыт.

(Индия муусуката тыаһыыр)

Хаарчаана: Көрсүң Ыраах Индия дойдутуттан дьүөгэм Сарина.

(Индия кыһа үңкүүлүүр)

Сарина: Дорооболорун оҕолоор, дорообо Хаарчаана! Миигин быһаабыккытыгар барыгытыгар махтанабын! Оҕолоор, Ороспуонньук аны бу соруудаҕы толордохпунуна биирдэ дьүөгэлэрбитин ытыах буолла.

2 соруудах (кумааҕыны таһааран ааҕар)

Сарина: Харыйаны тугунан кизгэтэллэрий? Эниги болҕойон истэҕит уонна сөптөөх хоруйга ытыскытын таһынаҕыт, сыһа этиигэ атаххытынан битийэҕит.

Араас өңнөөх хлопушкалар? Суорҕаннар уонна сыттыктар? Раскладушкалар, ороннор? Мармеладтар, сакалааттар? Таас шариктар? Мас олоппостор? Плюшевай ооньуурдар? Буукубаардар, кинигэлэр? Араас өңнөөх оҕуруолар? Өссө сырдык гирляндар? Маһан баататтан хаардар? Бартыбыллар, рюкзактар? Түүппүлэлэр, сапожкалар? Чааскылар, бииккэлэр, ньускалар? Кылабачыгас кэмпиэттэр? Дьиннээх тигрдар? Кыһыл көмүс туораахтар? Уонна кыһыл сулустар?

Сарина: Маладьыастар! Барытын сөпкө таайдыгыт.

(Африка муусуката тыаһыыр) Африка кыргытара үңкүүлүүллэр.

- Дорооболорун, оҕолоор! Биһиги саамай Итии дойдуттан, ыраах Африкаттан эһиэхэ күүлэйдии кэллибит! Биһигини быһаабыккытыгар махтанабыт!

3 соруудах: Мандарин ыталлар. (муусука тохтоотоҕуна мандарины тутан хаалбыт 3 оҕо таһар). Ким түргэнник банааны сиир эбитий?

(Бразилия муусуката тыаһыыр) Бразилия үңкүүтэ.

- Дорооболорун, оҕолоор! Саамай кыраһыабай карнаваллаах Бразилия дойдутуттан итии-истиң эҕэрдээ! Чэ, эрэ оҕолоор, 4 соруудахпытын толоруоҕуң эрэ! Мультиктары төһө билэҕитий? Мультик ырыаларын таайың!

(Испания муусуката тыаһыыр) Испания үңкүүтэ.

5 соруудаҕы толорорго миэхэ 2 оҕо наада.

- Оҕолоор куобах тугу сөбүлээн сирий? Саамай сөп. Биһиги кытааччыларбыт билигин моркубу хомуйуохтара. (морковь, спажка, поднос, мөһөөччүк) Маладьыастар, оҕолоор!

Клоунесса: Хаарчаана дьүөгэлэрин бары кэллилэр, бырааһынныкпытын саҕалыбыт дуо? 1) *Көрсүң эһигини эҕэрдэлиллэр: Аня, Саяна «Саңа дьыл» ырыанан. 2) «Хаар үңкүүтэ» толороллор Милена, Катя. 3) Хоһоон «Тымныы Моруос оҕонньор» ааҕар Сахаян.*

Хаарчаана: Оҕолор, эһиги көмөҕүтүнэн мин ыңырылаах күндү дьүөгэлэрбин Ороспуонньуктан быһаатыгыт! (Бары үөрэллэр).

Ороспуонньук: Миигин бырастыгының, аны итинник быһыланам суоҕа!

Клоунесса: Уонна оҕолоор, бүгүңнү бырааһынныкка ким тийбэтий? (Тымныы Моруоһу ыңырабыт).

Клоунесса: Чэйиң эрэ, оҕолор Тымныы Моруос, эҕэрдэтин истиэҕиң!

Тымныы Моруос эҕэрдэтэ:

Дорооболорун, оҕолор! Эһигини кэлэн иһэр Саңа дьылынан, Саңа дьолунан итиитик-истиңник эҕэрдэлиибин! Баҕарабын Саңа үүнэр сылга үөрэххитигэр өссө кыһалларгытыгар, үрдүктэн үрдүк ситиһиилэри, чэгиэн-чэбдик доруобуйаны, элбэх үөрүүнү, дьолу аҕаларыгар! Наһаа улахан, кыраһыабай харыйалаах эбиккит дии. Харыйабыт күлүмүрдэс уотун уматыахха эрэ! Мин кэннибиттэн хатылаан эрэ: биир, икки, үс, харыйабыт уота умай, умай, умай! (Харыйа уота умайар). Тымныы Моруоска анаан хоһооннорун этэллэр, ырыа ыллыыллар, хоробуоттууллар. Чэйиң эрэ, аны бары флешмобка туран үңкүүлүүххэйиң.

Флешмоб. Тымныы Моруос кэһиитин туттарыы. Уопсай хаартыскаҕа түһүү.

